













S. VIII. 33.



BEATI MANES,  
VIRI

*Honestissimi, spectatissimi, & integerrimi,*

DN. FRIDERICI  
ZILMERI,

Civis quondam & Mercatoris  
apud Stetinenfes primarij;

QUI

*Natus annò 1576. 26. Octobris; denatus autem 1634.*

*3. Febr. ætatis suæ 58. hodie, nimirum 10. Februarij,*

*horâ 3. pom. in templò Jacobæò, solemnè exequia-  
rum sacrò afficietur;*

Corporis sui exuvijs honorem ultimum,

A

*Studiosâ juventute, in Ducali Pedagogiò Stetinenfi,  
obnixè petunt;*

QVIBUS

*Ut mos geratur, hortator est omnibus,*

M. MARTINUS LEUSCHNERUS ibid. Rector.

---

STETINI, Literis GEORGII GOETSCHII.



*Johannis c. 11. v. 25. & 26.*

Ego sum resurrectio & vita:  
qui credit in me, etiamsi mor-  
tuus fuerit, vivet: Et quisquis  
vivit, & credit in me, non mo-  
rietur in æternum.

Qvid





Vid judicandum sit de beatâ ex  
arumnosâ hujus Vitæ ergastulò emigra-  
tione, Simeon ille senior in cygnâ sua  
cantione præclarè docet, quando Spiritu  
Dei plenus, & hujus mundi vanitatem per-  
tæsus ita ad Dominum suspirat: *Nunc di-*  
*mittis servum tuum, Domine, secundum verbum*  
*tuum, in pace.* Mors scilicet, quæ incredulis & impijs  
maximo terrori esse solet, indeq; à Gentilibus Philoso-  
phis *Φοβερότατον* *ἔστιν*, res omnium terribilissima, quòd omnia  
simul destruere videatur, appellatur; verè pijs & in Chri-  
stum credentibus, tantum abest, ut terrorem ac metum  
ineutiat, ut summum potius inde capiant solatium, &  
nihil tam exoptent, quàm ut, absolutò miseræ hujus vitæ  
curriculò, ab impositò crucis jugò exolvantur, & cum  
Christò, cujus ardentissimò amore toti ardent, exopta-  
tissimâ cohabitatione perfruantur. Et enim hi & probè  
intelligunt & piè credunt, mortem illorum, qui verà in  
Christum fide decedunt, nihil in se mali habere, sed desi-  
deratissimam *ἀπολύσιν* seu exsolutionem esse à concate-  
natis plurimarum hujus vitæ calamitatum nexibus, & ja-  
nuam quasi ac portum æternæ vitæ, quâ qui semel frui  
cœperint, omne hujus vitæ desiderium facilè abjicient,  
& mortem verè non mortem, sed transitum ex morte  
ad vitam fuisse intelligunt. Sive namq; terminum  
à quo, & ad quem consideres; sive conditionem morien-  
tis, eumq; qui per mortem hinc avocat, undiquaq; in-  
tellectu facillimum erit, mortem piorum tam exopta-  
tam vitæ arumnosæ clausulam atq; pausam esse, ut nemo  
non cum Simeone seniore exclamare debeat: *Domine,*



*nunc dimittis servum tuum in pace.* Ac primò quidem unde, quæso, per mortem dissolvimur, unde exolvimur? Ab innumeris persecutionibus & atrocissimorum malorum perpeffionibus; ab immundo mundò, ab improborum consortiò, à Satanae laqueis, à variorum laborum, dolorũq; molestiis; imò à gravissimis propriæ carnis tentationibus & corpore hoc mortis, quod dum nobiscum circumportamus, quotidie ad varia vitia & flagitia impellimur, *videntes aliam legem in membris nostris, rebellantem legi mentis nostræ, & captivos redudentem nos legi peccati, quæ est in membris nostris.* Quò deinde ex foetidissimò & inquinatissimò hoc mundi spelæo emigramus? ad beatissimarum mentium concilium, & ad vitam illam, quam nobis in cœlis paravit Dominus, quæ beatò Augustinò teste, *vita est verè vitalis, vita beata, vita segura, vita tranquilla, vita pulchra, vita munda, vita casta, vita sancta, vita ignara mortis, nescia tristitiæ; vita sine labe, sine dolore, sine anxietate, sine corruptione, sine perturbatione, sine vanitate & mutatione; vita totius elegantia & dignitatis plenissima; ubi non erit adversarius impugnans, ubi nulla peccati illecebra; ubi erit amor perfectus & dolor nullus; ubi dies æternus & unus omnium Spiritus; ubi Deus à facie ad faciem cernetur, & hoc vitæ cibò mens sine defectu satiabitur.* Quidni igitur exclamemus? quidni suspiremus? *Dimitte nunc, Domine, servum tuum in pace; rumpe, dirumpe arumnosæ hujus vitæ stamina, & ocyus, quò suspiramus, nos transfer. Quod sanè, ut eò animosius facia-*



faciamus, cogitemus porrò, nos qui sumus, & quis hinc  
avocet. Servi Domini sumus, ejusq; sive vivamus sive  
moriatur, proprii, facti non ad hanc corruptibilem vi-  
tam, sed ad æternam; hic autem ad breve temporis mo-  
mentum quasi in excubijs constituti, ut, si advigilaveri-  
mus, & Christo Domino, à quò ad id redempti sumus,  
servierimus in justitia & sanctitate verà cunctis diebus  
vitæ nostræ, pro momentaneis afflictionibus æternæ glo-  
riæ pondera recipiamus. Hinc tandem qui avocat, Deus  
est, cujus absoluta in nos est potestas, qui nos creavit,  
redemit & hætenus conservavit; in quò vivimus, mo-  
vemur & sumus; imò pater noster est, qui nos in manu  
sua descripsit & civitatis cœlestis atq; æternæ heredes ad-  
scripsit, quiq; quando nos hinc evocat, ex improbo mun-  
dò ad paradisi gaudia, ex peregrinatione in patriam, ex  
morte in vitam, à labore ad requiem, à dolore ad vo-  
luptatem, ab æstu ad refrigerium, à mœrore ad summum  
bonum transfert. Quis itaq; si mors fragilem hanc &  
ruinosam corporis compagem minitabundus pulset, &  
intromitti postulet, non lætus exiliat, & lætabundus, ipsà  
quasi obstetricante, eò evolet, quò *de cœlestis* & Dominus  
omnium jusserit, itentidem cum Simeone exclamans:  
*Nunc, nunc dimittis servum tuum, Domine, in pace;*  
præsertim cum certò sciat, se ad novam quasi vitam per  
mortem renasci, & ex servitute ad libertatem, ex miseriâ  
ad felicitatem, ex turbis ad tranquillitatem, ex perpetuis  
calamitatibus assultibus, ad beatissimam vitæ cœlestis re-  
quiem ab eò avocari, qui ipse solus est optimus, & ea quæ  
sunt optima, solus dare potest diligentibus se. Verunta-  
men non ex æquò omnibus tam instructa fiduciæ & prom-  
ptæ ad moriendū mentis suppellex est; sed illis solū, qui  
vitam fidemq; senioris Simeonis piè sequuntur, hoc est,



qui iusti & pij sunt, & divinis promissionibus firmâ fide  
adhærescunt; quiq; Spiritus Sancti illuminati gratiâ, Je-  
sum salvatorem in templô, in verbô, in sacramentis quæ-  
runt, & inventum fidei suæ ulnis susceptum, fideli pecto-  
ri apprimunt, illud *salutare Dei, & lumen gentium* re-  
ctè agnoscunt, & verâ fide amplectuntur, ejusq; fiducia  
suffulti, nil nisi pacificam ad beatarum mentium conci-  
lium emigrationem exoptant, & cum Divô Apostolô Pau-  
lô certissimè sibi persuasum habent, *quod neq; mors,*  
*neq; vita, neq; angeli, neq; principatus, neq; potesta-*  
*tes, neq; instantia, neq; futura, neq; altitudo, neq;*  
*profunditas, neq; ulla creatura alia verè fideles sepa-*  
*rare possit à dilectione Dei, quæ est in Christo Jesu*  
*Domino nostro.*

Quæ omnia cùm summâ hæcenus constantiâ fecisse  
intellexerimus virum honestissimum, spectatissimum &  
integerrimum, Dn. *Fridericum Zilmerum*, mercato-  
rem hujus urbis primarium, non etiã dubitamus, quin,  
contemptis omnibus mortis terriculamentis, adventan-  
te ultimô vitæ terminô, cum Simeone verâ fide ad Do-  
minum suum, ceu servus fidelis & constans, suspiraverit:  
*Nunc, nunc dimittis servum tuum, Domine, in pace;*  
exauditusq; ab eô nunc exultabundus inter sanctissimos  
coelites triumphet. Nos ut lugenti familiæ honestissi-  
mæ condolentiam nostram testemur, optimi ac integer-  
rimi viri vitam, quam laudatissimam inter mortales exe-  
git, brevi delineatione adumbrabimus.

Natum illum accepimus Stetini, annô post sesqui-  
millesimum septuagesimô sextô, 26. 3bris, parentibus  
optimis honestissimisq; patre quidem viro honestissimô  
& integerrimô, Dn. *Johanne Zilmerô*, mercatore apud  
Steti-



Stetinenſes primariò; matre autem præſtantiffimâ & omni virtutum genere decoratiſſimâ foeminâ, *Annâ Cio-  
manſ*: qui piiffimî parentes hunc ſuum filiolum, in primò ſtatim infantix limine ſacratò Baptiſmatis fonte abluendum, & ſimul atq; primos infantix annos tranſegiffet, bonis literis, laudatis moribus, & veri Chriſtianiffimi rudimentis fideliter imbuendum curarunt. Veruntamen, parentibus aliquantò poſt præmaturâ morte abreptis, ſedula hæc inſtitutio, ut fieri ſolet, continuari non potuit. Orphanus proinde factus à Dominis tutoribus in Poloniam, cum Polonicæ lingvæ, tum mercaturæ addiſcendæ cauſâ ablegatus fuit, ibiq; per întegrum triennium, non ſine laudabili in utrâq; progreſſu, ſubſtitit. Hinc cum maturior ætas jam advenſſet, colligendæ uberioris experientix cauſâ, varias regiones exterâs ſibi perluſtrandas cenſuit, ut, quæcunq; vitæ futuræ, cui animum deſtinaverat, utilia paſſim occurrerent, ſummâ diligentia notare poſſet. Et, quod laudem non vulgarem meretur, non ſolum in hoc noſtro hemiſphærio celeberrimas quasq; regiones perluſtravit; Hiſpaniam, Galliam, Hollandiam & alias plures: ſed illud alterum etiam noſtrati oppoſitum, quod orbem novum appellitant, ſuperato immenſo prope Oceano, adiit, ibiq; famoſiſſimam illam *Ανθρωποφάγων* regionem Braſiliam vidit. I nunc Papa, & ex inſulſâ inſcitâ Epicoſcopos Antipodes adſtruentes, excommunicationis fulmine adure. Pomeranus noſter, illò ſi ævum tuum fata dignata fuiſſent, tēſtis non auritus ſed oculatus, enormen tuam rudiratem corrigere potuiſſet. Sed mitto te. Pomeranus noſter p. m. ex tam longinquâ peregrinatione in patriam redux factus, fixâ Stetini rerum ſuarum ſede, paulò poſt, annò nimirum 1611. 14. Januarij, ſoleni nuptialis ſacri ritu in thalamum ſuum introduxit honeſtiſ-



nestissimam & cultissimam virginem, *Benignulam*, Vi-  
ri honestissimi & integerrimi, Dn. *Joachimi Rõns* / fi-  
liam dilectissimam, quam verò, næ fugacia hominum  
gaudia! postquam vix unicum liberorum par, filium & fi-  
liam, ex illà suscepisset, annò 1630. 19. Octobris hora 2.  
pom. annum jam agentem 38. præmaturâ morte, non  
sine magnò cordoliò, amisit. Ex quò tempore, usq; ad ulti-  
mū vitæ spiritum, viduum incoluit thorum, nec luctum ac  
mœrorem, ex tam svavis & desideratæ conjugis obitu  
conceptum, unquam deponere valuit.

Cæteram ejus vitam quod attinet, talem se per o-  
mnem vitam, cum erga proximum, tum erga Deum,  
præbuit, ut nullâ in parte vel à veri Christiani, vel à bo-  
ni civis officiò latum ungvem deflecteret. Quare etiam  
nulli dubitamus, quin, cum 3. Febr. horâ 5. vespertinâ,  
hujus currentis anni, in constantissimâ Servatoris sui in-  
vocatione, ex ærumnosissimâ hac vitâ excesserit, jam  
particeps factus æternæ pacis & quietis, inter beatissimos  
coeli Spiritus, latissimus triumphet, illudq; *ἁγίου* cum  
illis jugiter intonet: Sanctus, Sanctus, Sanctus, Domi-  
nus Deus Sabaoth.

Nos omnes & singulos studiosos juvenes, qui no-  
mina sua apud nos professi sunt, seriò exhortamur, ut  
hora 2da in auditoriò majori conveniant, & præcepto-  
res in funus prodituros, comitatu decenti sequantur.  
Prop. publ. 10. Febr. Anno 1634.





92116 **Bibliotheca** 105 000  
**P.P. Camaldulensium in Bielany**

Depozyt w Bibliotece Jagiellońskiej



06393

S.VII.33



